



პერსონალურ მონაცემთა დაცვის სამსახურის სტატისტიკა საჯარო ინფორმაციის ხელმისაწვდომობის უზრუნველყოფის შესახებ


დოკუმენტში ასახულია საქართველოს ზოგადი ადმინისტრაციული კოდექსის 37-ე და მე-40 მუხლების შესაბამისად, განცხადებების შესახებ ზოგადი სტატისტიკა პერსონალურ მონაცემთა დაცვის სამსახურის მიერ 2022 წლის 1 მარტიდან 2022 წლის 30 ივნისის ჩათვლით¹, საჯარო ინფორმაციის გაცემისა და პერსონალურ მონაცემთა დამუშავების თაობაზე.

საჯარო ინფორმაციის მოთხოვნა

2022 წლის 1 მარტიდან 2022 წლის 30 ივნისის ჩათვლით პერსონალურ მონაცემთა დაცვის სამსახურში შემოვიდა საჯარო ინფორმაციის 31 მოთხოვნა. აქედან 2 შემთხვევაში მოთხოვნა დაკმაყოფილდა ნაწილობრივ, რადგან:

- 1 შემთხვევაში გადაწყვეტილებასთან ერთად მოთხოვნილი იყო საქმის მასალები, ხოლო მომთხოვნე პირი წარმოების მხარე არ იყო;
- 1 შემთხვევაში მოთხოვნილი ინფორმაცია სრულად არ იყო დაცული/აღრიცხული სამსახურში.

1 მოთხოვნის განხილვა კვლავ მიმდინარეობს.



¹ 2021 წლის 10 დეკემბრიდან 2022 წლის 28 თებერვლის ჩათვლით, საჯარო ინფორმაციას გასცემდა სახელმწიფო ინსპექტორის სამსახური, ხოლო 2022 წლის პირველი მარტიდან, ამოქმედდა საკანონმდებლო ცვლილებები - გაუქმდა სახელმწიფო ინსპექტორის სამსახური და ფუნქციონირება დაიწყო პერსონალურ მონაცემთა დაცვის სამსახურმა, რომელიც 2022 წლის პირველი მარტიდან გასცემს საჯარო ინფორმაციას.

საჯარო ინფორმაციაზე უარის გასაჩივრება

2021 წლის 1 მარტიდან 2022 წლის 30 ივნისის ჩათვლით პერსონალურ მონაცემთა დაცვის სამსახურს გადაწყვეტილება საჯარო ინფორმაციის გაცემაზე უარის თქმის თაობაზე არ მიუღია და შესაბამისად, ასეთი გადაწყვეტილება არც გასაჩივრებულა.

საჯარო ინფორმაციაში შესწორების შეტანის მოთხოვნა

2021 წლის 1 მარტიდან 2022 წლის 30 ივნისის ჩათვლით პერსონალურ მონაცემთა დაცვის სამსახურში არ შემოსულა მოთხოვნა საჯარო ინფორმაციაში შესწორების შეტანის შესახებ.

საჯარო ინფორმაციის გაცემაზე უარის თქმის საფუძვლები

საჯარო ინფორმაციის გაცემის მოთხოვნის ნაწილობრივ დაკმაყოფილების ან დაკმაყოფილებაზე უარის თქმის შესახებ გადაწყვეტილების მიღებისას, სამსახური ეყრდნობოდა საქართველოს ზოგად ადმინისტრაციულ კოდექსს და „პერსონალურ მონაცემთა დაცვის შესახებ“ საქართველოს კანონს.

ზოგადი ადმინისტრაციული კოდექსის მოთხოვნათა დარღვევა

სამსახურის თანამშრომელთა მიერ საქართველოს ზოგადი ადმინისტრაციული კოდექსის მოთხოვნათა დარღვევის შემთხვევა არ გამოვლენილა. შესაბამისად, აღნიშნულ საკითხზე დისციპლინური წარმოება არ ჩატარებულა არც ერთი თანამშრომლის მიმართ.

ხარჯები

- ✓ საჯარო ინფორმაციის დამუშავებისა და გაცემის ხარჯმა შეადგინა 0 ლარი (დოკუმენტები მოთხოვნილი და გადაცემული იქნა ელექტრონული ფორმით).
- ✓ არ წარმოშობილა გასაჩივრებასთან დაკავშირებული ხარჯი.

გადაწყვეტილების მიმღები თანამშრომლის ვინაობა

2022 წლის 16 მაისამდე საჯარო ინფორმაციის გაცემაზე პასუხისმგებელი პირი იყო პერსონალურ მონაცემთა დაცვის სამსახურის იურიდიული დეპარტამენტის უფროსი იურისტი - შავლეგ თოდუა, ხოლო 2022 წლის 16 მაისიდან საჯარო ინფორმაციის გაცემაზე პასუხისმგებელი პირია პერსონალურ მონაცემთა დაცვის სამსახურის იურიდიული დეპარტამენტის უფროსი - დავით ყარაშვილი. შესაბამისად, სწორედ იურიდიული დეპარტამენტის უფროსი იღებს გადაწყვეტილებას საჯარო ინფორმაციის მოთხოვნათა დაკმაყოფილების/გაცემაზე უარის თქმის შესახებ.

საჯარო ინფორმაციის მოთხოვნა შესაძლებელია ელექტრონული ფოსტის მეშვეობითაც - office@pdps.ge და foi@pdps.ge.

საჯარო მონაცემთა ბაზები და პერსონალურ მონაცემთა დამუშავება

- ✓ „პერსონალურ მონაცემთა დაცვის შესახებ“ საქართველოს კანონის მე-19 მუხლის შესაბამისად, პერსონალურ მონაცემთა დაცვის სამსახურის ვებგვერდზე განთავსებულია ფაილურ სისტემათა კატალოგების რეესტრი (<https://catalog.pdp.ge/>). ამავე ვებგვერდზე განთავსებულია გადაწყვეტილებების რეესტრი (<https://personaldata.ge/ka/decisions>), სადაც გადაწყვეტილებები გასაჯაროებულია მოქალაქეთა და კერძო სამართლის იურიდიული პირების იდენტიფიცირების გამომრიცხავი ფორმით.
- ✓ პერსონალურ მონაცემთა დაცვის სამსახური „პერსონალურ მონაცემთა დაცვის შესახებ“ საქართველოს კანონით გათვალისწინებული დამუშავების საფუძვლებისა და პრინციპების შესაბამისად, ფიზიკური და იურიდიული პირების განცხადებების/ნებართვების განხილვისა და საქართველოს კანონმდებლობით დაკისრებული სხვა უფლებამოსილების განხორციელების ფარგლებში ამუშავებს პერსონალურ მონაცემებს. პერსონალურ მონაცემთა დაცვის სამსახურის უფროსის მიერ მიღებული გადაწყვეტილებები, რომლებიც შეიცავს განმცხადებელთა და მესამე პირთა პერსონალურ მონაცემებს, მესამე პირებს გადაეცემათ იდენტიფიცირების გამომრიცხავი ფორმით.